



Broj: 03-248.3/23

Sarajevo, 13.07.2023.godine

U skladu sa članom 100. st. (3) Zakona o javnim nabavkama BiH („Službeni glasnik BiH“, broj 39/14 i 59/22) i člana 108. Statuta Univerziteta u Sarajevu, u postupku javne nabavke Molersko farbarski radovi – otvoreni postupak, čije je obavještenje objavljeno 10. 7. 2023. godine, rješavajući po žalbi ponuđača Kula Mont“ d.o.o. Zenica, zastupanom po punomoćniku Adnanu Hodžiću, advokatu iz Zenice, zaprimljenoj dana 12. 7. 2023. godine i ponuđača „Gradprom“ d.o.o. Srbac, zastupan po punomoćniku Antonić Mili, advokatu iz Banja Luke, dekan Univerzitet u Sarajevu – Akademija likovnih umjetnosti d o n o s i:

RJEŠENJE

I

Usvaja se žalba ponuđača „Kula Mont“ d.o.o. Zenica, zastupanom po punomoćniku Adnanu Hodžiću, advokatu iz Zenice, na tendersku dokumentaciju broj 03-248.1/23 u postupku javne nabavke „Molersko farbarski radovi“, kao osnovana.

II

Ugovorni organ je izmijenio tendersku dokumentaciju u skladu s odredbama Zakona o javnim nabavkama na način da je tačka 4.2. tenderske dokumentacije Uslovi za kvalifikaciju – Lična sposobnost promijenjena i sada glasi: „U slučaju da ponuđači imaju zaključen sporazum o reprogramu obaveza, odnosno odgođenom plaćanju, po osnovu doprinosa za penzijsko-invalidsko osiguranje, zdravstveno osiguranje, direktne i indirektne poreze, dužni su dostaviti potvrdu nadležne institucije/a da ponuđač u predviđenoj dinamici izmiruje svoj reprogramirane obaveze.“

Po istom osnovu žalio se i drugi ponuđač „Gradprom“ d.o.o. Srbac, a s obzirom na to da je Ugovorni organ već riješio po žalbenom navodu prvog žalioaca ponuđača „Kula Mont“ d.o.o. Zenica te u skladu s odredbama Zakona o javnim nabavkama izmijenio tendersku dokumentaciju riješen je i žalbeni navod žalitelja „Gradprom“ d.o.o. Srbac.

III

O zahtjevu za nadoknadu troškova žalbenog postupka ugovorni organ će donijeti poseban zaključak.

IV

Svi potencijalni učesnici u postupku o izmjeni su obaviješteni putem portala javnih nabavki, te će ovo Rješenje biti objavljeno na web stranici Ugovornog organa www.alu.unsa.ba.

Obrazloženje

Univerzitet u Sarajevu – Akademija likovnih umjetnosti objavom obavještenja o javnoj nabavci broj: 29322-1-3-14-3-8/23 od 10.07.2023. i tenderske dokumentacije na portalu javnih nabavki, pokrenula je otvoreni postupak za dostavu ponuda „Molersko farbarski radovi“. U predmetnom postupku javne nabavke potencijalni ponuđač „Kula Mont“ d.o.o. Zenica, zastupanom po punomoćniku Adnanu Hodžiću, advokatu iz Zenice, uložio je žalbu na tendersku dokumentaciju.

Nakon što je ugovorni organ utvrdio kako je žalba blagovremena, dopuštena i izjavljena od ovlaštenog lica, pristupio je razmatranju žalbe.



Žalitelj u žalbi navodi kako tačka 4.2. tenderske dokumentacije Uslovi za kvalifikaciju – Lična sposobnost traži dokaze koji nisu u skladu sa Zakonom o javnim nabavkama i povređuju isti: „U slučaju da ponuđači imaju zaključen sporazum o reprogramu obaveza, odnosno odgođenom plaćanju, po osnovu doprinosa za penzijsko-invalidsko osiguranje, zdravstveno osiguranje, direktne i indirektno poreze, dužni su dostaviti potvrdu nadležne institucije/a da ponuđač u predviđenoj dinamici izmiruje svoj reprogramirane obaveze. Ukoliko je ponuđač zaključio sporazum o reprogramu obaveza ili odgođenom plaćanju obaveza i izvršio samo jednu uplatu obaveza, neposredno prije dostave ponude, ne smatra se da u predviđenoj dinamici izvršavaju svoje obaveze i taj ponuđač neće biti kvalifikovan u ovom postupku javne nabavke.”

Ugovorni organ izmijenio tendersku dokumentaciju, te 13.07.2023. objavio ispravku obavještenja o nabavci broj: 29322-1-3-14-8-9/23. Izmjenjena tačka 4.2. tenderske dokumentacije Uslovi za kvalifikaciju – Lična sposobnost promijenjena i sada glasi: „*U slučaju da ponuđači imaju zaključen sporazum o reprogramu obaveza, odnosno odgođenom plaćanju, po osnovu doprinosa za penzijsko-invalidsko osiguranje, zdravstveno osiguranje, direktne i indirektno poreze, dužni su dostaviti potvrdu nadležne institucije/a da ponuđač u predviđenoj dinamici izmiruje svoj reprogramirane obaveze.*”

Po istom osnovu žalbu je izjavilo i preduzeće „Gadprom“ d.o.o. Srbac, a s obzirom na to da je postupajući po žalbi ponuđača „Kula Mont“ d.o.o. Zenica, upravni organ istu ocijenio kao osnovanu te udovoljio žalitelju i izmijenio tendersku dokumentaciju na način opisan u dispozitivu, riješen je i žalbeni navod žalitelja Gadprom“ d.o.o. Srbac.

Uzimajući u obzir navedeno, ugovorni organ je žalbe ocijenio osnovanom i odlučio kao u dispozitivu rješenja.

Pouka o pravnom lijeku:

Protiv ovog rješenja može se izjaviti žalba Uredu za razmatranje žalbi BiH putem Ugovornog organa, u roku od 10 dana od dana prijema ovog Rješenja.

Dostaviti:

- Žaliteljima
- a/a

Dekan

Prof. dr. Dubravka Pozderac-Lejlić